



Broj: 05-30-29663/26  
Sarajevo, 19.6.2026. godine

Na osnovu člana 43. Zakona o državnoj službi Kantona Sarajevo („Službene novine Kantona Sarajevo“, broj: 31/2016, 45/2019 i 06/2025), člana 65. Pravilnika o unutrašnjoj organizaciji Ministarstva komunalne privrede, infrastrukture, prostornog uređenja, građenja i zaštite okoliša, broj 05-02-31063/24 od 31.05.2024. godine i Odluke Vlade KS, broj 02-04-29085-5/26 od 04.06.2026. godine Ministarstvo komunalne privrede, infrastrukture, prostornog uređenja, građenja i zaštite okoliša objavljuje

**INTERNI OGLAS**  
**za**  
**unapređenje državnog službenika**

**(1) Naziv radnog mjesta:**

Pomoćnik ministra za upravljanje, realizaciju projekata i nadzor u stambenoj oblasti – jedan (1) izvršilac

**(2) Opis poslova:**

Neposredno rukovodi Sektorom i u tom pogledu organizuje vršenje svih poslova iz nadležnosti Sektora; raspoređuje poslove na državne službenike i namještenike i daje im upute o načinu vršenja poslova; osigurava blagovremeno, zakonito i pravilno vršenje svih poslova iz nadležnosti Sektora; vrši najsloženije poslove iz nadležnosti Sektora; redovno upozna je ministra o stanju i problemima u vezi vršenja poslova iz nadležnosti Sektora; predlaže preduzimanje potrebnih mjera u cilju unapređenja stanja u oblastima iz nadležnosti Sektora; vrši izradu nacrtu godišnjeg programa rada Sektora; izradu mjesečnog i godišnjeg izvještaja o radu Sektora; prijedloga plana nabavki iz djelokruga Sektora; vrši analizu i predlaže plan potrebnih finansijskih sredstava u Budžetu Kantona Sarajevo neophodnih za odvijanje programskih aktivnosti Sektora; priprema i kontroliše materijale za Vladu i Skupštinu Kantona Sarajevo iz nadležnosti Sektora; izvršava i druge stručne poslove po nalogu ministra i odlučuje o pitanjima za koja je ovlašten posebnim rješenjem ministra; za svoj rad odgovara ministru. U obavljanju poslova koji su u opisu ovog radnog mjesta obavezan je da vrši planiranje, organizovanje, vođenje i kontrolu sistema upravljanja kvalitetom usluga po zahtjevima Standarda ISO 9001 i obavezan je da primjenjuje i unapređuje Politiku sistema upravljanja kvalitetom, realizuje utvrđene ciljeve kvaliteta i primjenjuje sve usvojene procedure vezane za sistem upravljanja kvalitetom.

**(3) Posebni uslovi za obavljanje poslova:**

Stečena diploma visokog obrazovanja ili druge obrazovne ili akademske kvalifikacije, najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS bodova ili drugog ili trećeg ciklusa Bolonjskog sistema studiranja, završen pravne ili upravne struke ili završen arhitektonski ili građevinski fakultet ili mašinski fakultet ili



ekonomski fakultet ili fakultet ekonomske struke, najmanje pet godina radnog staža u struci nakon stjecanja tražene stručne spreme, poznavanje rada na računaru i položen stručni ispit.

**(4) Dokumentacija koju je potrebno dostaviti (original ili ovjerenu kopiju) uz svojeručno potpisanu prijavu**

- dokaz o stručnoj spremi-rješenje o postavljenju (trenutnog postavljenja) državnog službenika
- uvjerenje o radnom stažu
- dokaz o položenom stručnom ispitu

Interni oglas za unapređenje državnog službenika provest će Komisija imenovana od strane ministra komunalne privrede, infrastrukture, prostornog uređenja, građenja i zaštite okoliša Kantona Sarajevo. Sa prijavljenim kandidatima komisija će obaviti intervju.

**Napomena:** Komisija će po službenoj dužnosti izvršiti uvid u personalni dosje prijavljenih kandidata i ocjene o radu istih.

Rok za prijavu je 10 (deset) dana od dana objave na oglasnoj tabli Kantona Sarajevo.

Na interni oglas za unapređenje državnog službenika mogu se prijaviti svi državni službenici Ministarstva komunalne privrede, infrastrukture, prostornog uređenja, građenja i zaštite okoliša koji ispunjavaju uslove Internog oglasa za unapređenje državnog službenika.

Prijava na Interni oglas za unapređenje državnog službenika dostavlja se lično ili poštom preporučeno na adresu:

“Ministarstvo komunalne privrede, infrastrukture, prostornog uređenja, građenja i zaštite okoliša”  
Reisa Džemaludina Čauševića broj 1 71000 Sarajevo

Sa naznakom za „ Interni oglas Ministarstva komunalne privrede, infrastrukture, prostornog uređenja, građenja i zaštite okoliša - **NE OTVARAJ** “

Nepotpune, neuredne i neblagovremene prijave neće se uzeti u razmatranje.



**Dostaviti:**

1. Web-stranica Ministarstva komunalne privrede, infrastrukture, prostornog uređenja, građenja i zaštite okoliša
2. Oglasna ploča Kantona Sarajevo
3. Arhiva

